

行在陽秋

行在陽秋



隆武丙戌二年冬十月十四日丙戌永明王監國肇慶以明年為永曆元年

御諱由柳 神宗孫也 皇考桂端王生四子長由

次由 俱為獻賊所害三由 封安仁王以病薨

四永明王即 上也天資聰明仁厚 皇考自衛從

梧以病薨上居苦次會隆武蒙塵報至兩廣總督丁

魁楚廣西巡撫瞿式耜等謂天下不可一日無君乃

迎桂嗣至王肇慶立之以府署為行在頒詔楚滇黔

蜀

閣輔蘓觀生自南雄撤兵還廣州閣臣何吾騶自閩遁歸青山加丁魁楚東閣大學士兵部尚書瞿式耜東閣大學士吏部尚書。

魁楚原任兩廣總督兵部尚書右副都御史兼吏部右侍郎賜劄劵劍進平粵候今以吏部右侍郎入閣攝尚書事兼戎政式耜原任廣西巡撫兵部右侍郎今以禮部尚書入閣兼兵部尚書掌銓事

封李明忠武靖伯鎮南詔

以許德生為潯州推官監明忠軍 明忠江西人狼兵帥也初奉隆武詔協勦江西八月率潯州兵六千

至肇慶九月至三水聞隆武汀州之變返肇慶預推戴

原任兵部尚書東閣大學士呂大器自閩赴行在仍用原官辦事旋以病致仕

原任兵部尚書守制李永茂赴行在

上隆武帝尊號曰思文皇帝后曰思文皇后

擢原任福建布政吳炳為戶部尚書

督師兵部尚書右副都御史何騰蛟等公疏勸進

隆武朝騰蛟進定興候賜劍駐軍長沙楚撫兵部右侍郎右副都御史堵胤錫受隆武命督雲貴師會聞

汀變騰蛟衛錫公疏達行在

補馬吉翔郭承昊嚴雲從吳繼嗣等為錦衣衛使

吉翔北直人繼嗣涿鹿人崇禎十六年獻賊陷衡州

皇考皇元及上偕宮嬪自永州奔粵西行李蕭

然過道州州人不納及羈縻行駕以索賂及賊入城

賴繼嗣夫婦以肩輿衛上及國母于難上失金

冊繼嗣亦失所佩州印賊踞城四十餘日無兵衛繼

嗣密約粵西鎮楊國威引兵復城國威過道州覓得

州印繼嗣亦獲金冊獻之

進武崗伯劉承胤武定侯鎮寶慶

及苗作反

以王坤為司禮監秉筆太監

坤故北闈自閩來奔

十一月癸卯朔日有食之

進何騰蛟武英殿大學士加太子太保

得贛州敗報司禮太監王坤請駕移蹕梧州大學士瞿

式報諫止之

唐王自立于廣東改元紹武以蘓觀生為大學士

觀生過三水不赴肇慶而行在諸臣以觀生無推戴

意拒之適唐王與淮王航海而至觀生遂奉唐王監

國

遣兵科給事中彭燿入廣州諭唐王去帝號不從燿遇害

故大學士陳子壯廣州人移書瞿式報請興師東向以靖唐藩式報以聞上曰先遣官諭之俟其拒命討之未晚也蘇觀生既殺燿曰集兵向肇慶而清兵因得乘間窺潮惠矣兵科給事中陳邦彥同燿受命入廣州聞燿死乃還

以林佳鼎為總督兵部侍郎勅唐藩

十八日庚申上即皇帝位于肇慶追尊皇考桂端王為興宗皇帝追母王太妃為皇太后立妃王氏為皇

后大赦天下進瞿式報文淵閣大學士以朱容藩掌宗人府事

遣錦衣衛嚴雲從護送三宮居桂林救靖江王防守授陳子壯中極殿大學士兵部尚書節制兩廣江西福建湖廣軍務賜尚方劍便宜行事

二十日壬戌清李成棟入潮州遂入惠州

進蕭琦兵部尚書晏日曙工部尚書周光夏都御史李用揖等為各道御史

補原任少詹兼侍讀朱天麟翰林院學士

二十九日提督林佳鼎捷于三水

輯疑作輯

曰甫作日

唐王遣督師陳泰歐陽等軍于三水城西將犯行在武靖伯李明忠自韶州入援戰于三水大捷俘斬八百餘級陳泰遁去

十二月初三日總督林佳鼎兵潰于海口監軍夏四敷赴水死

佳鼎不知所在或曰與四敷同赴水死三水之捷佳鼎有驕色督兵晝夜兼行唐王兵偽降誘其水師至海口適東南風大作唐王兵以火攻之佳鼎等盡登岸列營泥淖深三尺餘人馬盡陷兵大潰李明忠二十騎奪路去許德生被獲至廣州繫獄明忠尋降

于清後復返正

特授王化澄兵部右侍郎兼都御史總督粵帥周鼎瀚兵科給事中

化澄原任以御史巡粵加大理卿鼎瀚原任戶部郎中上以林佳鼎失事也化澄鼎瀚皆以內批用瞿式耜奏內批用人非與朝舉動上不允

進原任兵部尚書李永茂東閣大學知經筵

永茂以守制不入直專知經筵永茂疏薦鄉望十五人御史劉湘客與焉太監王坤啟視不悅于十四人悉塗抹其名湘客被黜永茂拂然以去爭之瞿式耜

即當作師

奏大臣論薦固其職司禮轍去取其間何以服御史
何以安大臣坤復疏薦海內名卿數十人式耜曰司
禮抑人固不可薦人更不可後湘客改官編修充經
筵講官

加王化澄兵部尚書

旨杖御史童琳奪科臣劉萬等職大學士瞿式耜疏寢
之

琳劾都御周光夏私亂臺規 旨下廷杖式耜曰新
政未布何可杖言官 上從之萬等以劾司禮監王
坤落職賴式耜疏救得賜環

御下脫史字

中允方以智棄官去

王坤疑劉萬疏出以智手故以智力求去

十五日清陷廣州

清將佟養甲李成棟遣遊擊龐起龍偽為援兵求入
城城內信之遂蜂擁而入內兵登城戰一晝夜擒斬
清遊擊王士選清兵欲退會有內應遂陷唐王被獲
自盡周益諸王俱遇害蘓觀生自縊死許德生降于
北紹武守臣忠惠伯王之臣大學士何吾驕及顧元
鏡洪天擢潘曾瑋李綺曹燁耿獻忠毛毓祥等俱降
其在籍剃髮降者為李覺斯王應華梁應材伍瑞隆

等又葉延祚曾道唯陳世傑關捷先等俱降
清狗東莞新會等縣

二十五日行在得廣州陷報 上乘輿出城駕小舟如
西峽傳幸梧州大學士瞿式耜從駕而西丁魁楚走岑
溪王化澄走潯州

清兵薄廣城且急式耜方典選請視師督戰駐峽口
王坤復趣 上西避之式耜夜乘小舟留駕曰我兵
水陸鳧至三水可上下搯也爭之不得請身留肇慶
宗人府朱容藩奏曰左右所恃惟式耜一人式耜留
守則 上行益孤 上舟西式耜部署五日疾趨梧

上西行又五日矣魁楚惑于奸弁蘓聘從梧入岑
溪化澄攜中樞印走潯州西上護蹕者惟式耜一人
兵部尚書李永茂工部尚書晏日曙太僕卿田芳走
博白

清以降撫曹燁仍巡撫廣西

燁歙縣人 進士

改廉州知州陸世廉于梧州

授熊兆璧兵部主事

兆璧迂弼子也原任容縣知縣旋棄官去

授孫順則辰州分守道

清兵犯湖湘命督師何騰蛟率楚師禦之命大學士瞿式耜轉粵西餉濟師

駕至梧州

封王國璽武靖侯王維恭華亭侯

以國戚故也

元年丁亥春正月癸卯朔 駕在梧州

時戶部尚書吳炳翰林學士方以智朱天麟文選司郎中吳貞毓給事中唐誠張起御史程源中書舍人吳其雷洪士彰錦衣衛馬吉翔等俱從

命魯王總理南北直省錢糧軍馬恢復事文武爵賞俱

聽便宜行事

封陳邦傳思恩侯焦璉新興伯

駕發梧州

上自梧州北幸桂林閣部瞿式耜從行 上欲府江

達桂林兵衛寡二梧州知府陸世廉催募舟夫以進

式耜扈駕西行夜泊昭平 板灘

原任右兼都御史巡撫廣信張家玉起兵東莞兵部職方司主事陳邦彥起兵復順德縣

丁未月食

山東鄉兵攻莒州

府當作渡

催當作漵

十六日李成棟陷肇慶

駕幸桂林

兵部主事陳邦彥招降日行灘余龍等水師焚清艘百餘于東莞直抵廣州境李成棟返救故乘輿得達桂林

劉湘客曰 上于正月幸桂林式耜肅堂陞敕守禦誕告楚蜀各路征鎮粵西居山川上游清不能仰面攻明矣兵士雲屯湖南北立需戰粵南大通滇柳慶出黔江左右四十五洞土狼悍勇警國家威惠三百年撫粵悉受銜縻足支內侵桂城為明辟都疏請道

里之可達行在者

加瞿式耜太子太保駐梧江

二十三日虜陷高雷廉三州

東莞張象玉聚眾入海

潮惠二州林舉賢陳耀起兵眾至萬人

二十九日虜陷梧州

潯州守將李明忠平樂守將李承忠俱以兵降北

承忠 或作承志

叛將杜永和犯岑溪平粵公丁魁楚督戰墮水死

魁楚有兵千餘屯岑溪李成棟遣副將杜永和招之

象當作家

十六日李成棟陷肇慶

駕幸桂林

兵部主事陳邦彥招降日行灘余龍等水師焚清艘百餘于東莞直抵廣州境李成棟返救故乘輿得達桂林

劉湘容曰 上于正月幸桂林式耜肅堂陞敕守禦

此條義理難解疑有脫誤

各路征鎮粵西居山川上游清不能仰面

攻明矣兵士雲屯湖南北立需戰粵南大通滇柳慶出黔江左右四十五洞土狼悍勇讐國家威惠三百

年撫粵悉受銜糜足支內侵桂城為明辟都疏請道

里之可達行在者

加瞿式耜太子太保駐梧州

二十三日虜陷高雷廉三州

東莞張象玉聚眾入海

潮惠二州林舉賢陳耀起兵眾至萬人

二十九日虜陷梧州

潯州守將李明忠平樂守將李承忠俱以兵降北

承忠 或作承志

叛將杜永和犯岑溪平粵公丁魁楚督戰墮水死

魁楚有兵千餘屯岑溪李成棟遣副將杜永和招之

象當作家

不至永和。水陸兼進。魁楚與戰于藤江。中矢而走。死。二月壬申朔。潮州賴天肖起兵。叛將文貴、陳虎、余成隆來戰。擊敗斬之。

韶州陳順簡信起兵。惠州蕪來起兵。新會鄉紳黃奇策起兵。

清遣沙遠勉撒奇聖來招撫奇策。斬之。

進吳炳方以智東閣大學士同入直。

以智旋罷去。

以原任吏部侍郎王錫衮禮部尚書文安之為東閣大學士。

以周堪、賡、郭都賢、劉遠生等為各部尚書。以毛壽登、吳德操等為御史。丁時魁禮科給事中。金堡禮科都給事中。兼職方員外。

補萬六吉為給事中。蔡之俊翰林簡討。

初八日己卯。海師攻福州。叛將張應夢出戰。海師遁。

鄭彩、周崔芝合兵攻漳平。不克。搃兵陳國祚力戰死之。

十一日壬午。月掩歲星于東井。

孫守法屯兵長安石鰲谷。

陳邦彥師次高平。

邦彥遣馬應房以舟次攻順德。

鄭彩克漳浦擒斬虜官計國男
海師攻興化叛將張應元逆戰而走

晉劉承胤安國公曹志建永國公焦璉新興侯郝永忠
南安侯盧鼎宜章伯

十五日丙戌駕幸全州敕新興侯守桂林

上幸桂林復謀移蹕大學士瞿式耜力爭弗聽竟出
全陽

二十二日癸巳海師次福清不克

圍城三日叛將陳心裕兵出北門遂走

二十四日乙未林舉賢陳耀攻廣州不克陣斬清將劉

次備作攻

朝用周一鳳而去

丙申清陷長沙

知縣王宸縣丞揚日新降

丁酉清陷湘陰

王進才大掠湘陰而遁清兵遂入城縣丞扶雲鳳迎
降

督師何騰蛟師次衡山

騰蛟檄張光壁黃朝宣等援長沙俱不至朝宣走衡
州

是月安國公劉承胤朝行在

詔幸永州

駕至全州楚將劉承胤欲擁入桂林 太后不允遂

幸永州

三月壬寅朔犁虜伯孫守法復寧州

大學士瞿式耜自梧州還桂林

時警報狎至 上念式耜元臣諭趣治裝從行式耜

謝曰君以仁臣以義臣奉命守此土得與此地共存

亡于是從官皆行式耜獨守

甲辰李成棟再陷順德敗余龍于黃蓮焚舟數百馬應
房戰死

丁未賴熊攻復建陽

清兵逼梧州陳邦傳棄平樂走

敕大學士瞿式耜留守桂林賜尚方劍節制諸軍

王坤趣 上幸楚式耜泣諫不能挽無已讀身留桂

故有是命式耜仍疏請 上暫蹕全州以扼粵之中

內外兼顧

戊申瀏陽伯董英降于清

自瀏陽出降

壬子清以耿藩伯為廣西巡撫

乙卯清兵薄桂林攻文昌門守將焦璉禦却之

讀當作請

隊疑作兵或作師

初平樂不守清兵直上至是乘虛數十騎冲入文昌
門城中大恐式耜急呼璉出璉自全州歸休息未定
從數人控弦挺刃與清兵逼清兵上城樓式耜署在
樓下亟緘之璉矢無虛發應弦而斃者半餘者走璉
短兵接追殺數人且盡清隊遂不敢近城之中始定
是時清兵自東上昭澤省會逃奔虛無人跡上在
全州念首輔且馳驛召還而留守堅誓與清兵角拒
尤急時清兵冲陣而式耜出守文昌門調度自如也
是時督師何騰蛟治兵衡湘老将重兵悉屯湖南北
聲援弗及式耜獨毅然誓眾嬰城而守親帥大將焦

璉掩其不備砲矢夾發虜鋒大挫

安國公劉承胤遣兵援桂林

虜陷陽朔遍野雜髮式耜與璉危城孤守疏請徵承
胤兵承胤初從武崗入護由尊朝廷遂司禮監王坤
弄權面叱周鼎瀚為奉奄寺鼻息故雅重式耜發兵
數千援桂

襟錄云北來高副將入桂林掠瞿留守資裝為總兵
陳邦傳焦璉所殺邦傳遂出兵破貴縣入潯州明忠
走邦傳破興業劉鴻烈圍鬱林焦璉據桂林破陽朔
戊午張家玉克東莞

遂下疑當有劫字

己未周崔芝攻閩安

兵部尚書詹兆恒攻開化叛將李榮逆戰兆恒兵敗死之

壬戌張家玉克新安

家玉至新安西鄉與陳邦策屯兵白石

癸亥督師何騰蛟破清兵與辰州一作庚申

甲子林質破德化

乙丑林質破建陽叛將蔡應科以兵逆戰質戰敗被執死之

監軍陳邦彥復清遠不守

夏四月壬申朔清撫耿藩伯兵入梧州

耿至梧州攻取陽朔而西失藤縣北敗于桂林不敢

進前

江西大旱

詔進張家玉兵部尚書提督嶺東軍務聯絡漳湖兼副都御史

癸酉清陷衡山提兵陳四明降北

乙亥清陷瓊州

叛將閩可義陷之

封錦衣衛郭承昊馬吉翔嚴雲從為伯萃御史毛壽登

等職劉承胤挾上如武崗

從劉承胤請也御史毛壽登駁之曰金吾無矢石功
何得援邊鎮例晉五等爵也吉翔等疑疏出劉湘客
之手周鼎瀚遂造蜚語為董卓催記之議激承胤逼
上立下廷杖旨縛壽登湘客及御史吳德操給事
中萬六吉于行在午門外會諸臣申救得免壽登等
俱落職承胤自桂陽挾上遷武崗式耜疏請留蹕
全陽曰聞郊祀禮成即圖移駕不知將回桂林耶抑
幸武崗辰沅耶夫皇上原以恢復兩粵為心則不
徒西粵未恢未可移駕即東粵未恢亦當駐全為得

策故承胤等啖杖壽登等四臣以四臣主還蹕桂林
之議也

乙卯清兵入興安州犁虜伯孫守法戰死

李明忠攻潯州

辛巳叛將孔有德沈知祥耿仲明尚可喜兵犯湖廣

孔耿尚俱降清封王是稱三王

癸未清兵入衡州殺黃朝宣父子

甲申白虹貫日

清陷永州守將盧鼎走道州

督師何騰蛟駐白牙市兵部侍郎副都御史章曠駐東

安

甲申王允成馬進忠走辰沅郝永忠走道州曹志建走永明

伯 癸巳加瞿式耜武英殿大學士少師兼太子太師臨桂

以守桂功也式耜疏辭

岑本高等敗沒于浦城

癸巳岑本高王思春江中英江中元張文耀朱國貞

劉國球等同攻浦城有原任監軍吳承昊徐元毛文

俊張裔元約為內應至是本高等四人敗死國貞破

破當作被

執叛降遂供承昊等謀清皆殺之

己亥叛將徐勇破安化遂入新化

王光泰克襄陽擒斬虜官

劉承胤兵掠桂林

承胤兵至桂林挾餉不出與焦璉兵主客不和譁變

擊鬪掠市而去

五月辛丑朔清陷新安縣

屬廣州

高雷廉三州俱降于清

壬辰王光泰等克勛陽擒斬虜官

庚戌揚州地震

甲戌改武崗為奉天府以周鼎瀚為東閣大學士同劉承胤入直

壬午福建江西大水

壬戌鄭彩破長樂縣

癸亥清陷龍陽縣總兵楊國棟戰死全家被殺

甲子清陷常德

乙丑清兵攻桂林焦璉擊走之翌日又追敗之

清偵兵變積兩城壞猝薄城環攻文昌門式耜與璉分門嬰守用西洋銃擊中胡騎璉出城戰擊殺數千

兩當作雨

人自辰抵午不及餐璉曰枵腹奈何式耜拈箸中米蒸飯分哺士益樂用命向晡雨未息收兵明日復出戰清衆棄甲杖而奔式耜先令路將馬之驥伏于隔江清衆從栗木嶺遁之驥疾馳渡江運槩提鞭連斃三人復追殺二十里而還璉久駐桂得桂人心式耜國士遇璉故得其死力

戊辰清陷和平縣知縣李信死之

晉瞿式耜少師兼太子太師臨桂世伯爵

上賜璽書褒嘉式耜疏辭新命復請告自劾

是月副將周金湯率壯士二百人夜復永州城

金湯莆田人武進士原任永州都司

復均州

六月

督師何騰蛟朝行在 上慰勞之命滇將趙印選胡一青統兵數千人從騰蛟歸守白牙教諸鎮扼守寶慶辰永

晉何騰蛟世侯爵駐衡州堵胤錫世伯爵駐長沙章曠駐常德

十七李成棟攻陷新安西鄉陳御策戰死于白石是月福建張興龍謝志良擁衆入海

廣東英六吉劉良機擁衆入海

海師攻破興國州擒斬程文克

秋七月

初五日督輔陳子壯率舟師攻廣州不克

初十日兵部尚書張家玉克復博羅龍川等縣駐博羅督輔瞿式耜率宣國公焦璉攻復陽朔平樂

遣司禮監龐天壽催廣西兵援梧州

兵部侍郎兼僉都御史章曠卒于永州

松江人崇禎丁丑進士

陳邦傳復梧州

興陵在梧州督輔式耜奏梧州既復宜昭告陵寢
請駕還桂林言甚切至

八月

給督輔瞿式耜新銜誥命

以嚴起恒為東閣大學士

起恒浙人面濶身高有異相原官戶部管錢法試侍
郎

二十日清陷高明督輔陳子壯監軍麥而炫被執不屈
死之

二十三日駕發奉天傳幸廣西督輔瞿式耜請繇古

泥道雜容蹕桂林

二十四日清陷奉天劉承胤以兵降清

奉天之陷也守兵先敗遂斫北關棄壺殮而遁御

駕三宮無不徒行者中宮嫡妹與王皇親母肩輿出

城閣臣吳炳不及出幾被獲踉蹌走慶遠嚴起恒王

化澄吳貞毓馬吉翔出重賞僱三小舟奉 上宮眷

西行時乘輿問出不知所之榮王在辰州督師大學

士堵胤錫巡按御史熊 麟等共議擁戴時隆武閣

臣熊開元在保靖司因檄保靖奉開元書以中興元

輔相期開元答書畧曰今日所急在討賊不在立君

乘輿所向未卜萬一或有參差魯唐近轍何可再尋
二十六日清陷博羅

九月

李成棟破清遠陳邦彥被獲殺之

二十五日清陷鄖陽王光泰走竹房

清陷沅州巡撫傅上瑞降于清

後清攜上瑞至江西會金聲恒起事疑有變殺之

駕幸沙泥潭

庚申海師破羅源縣又破連江

是月海師掠得山鶯龍門高公島

恒當作桓

冬十月戊辰朔 駕幸柳州督師何騰蛟來朝

駕在沙泥潭督師何騰蛟率滇兵來會遂從駕至柳
州大學士嚴起恒亦從萬邨來會

督輔瞿式耜三疏請駕還桂林

時督師何騰蛟嚴起恒及劉湘客咸在桂林南安侯
郝永思兵驟至疑主客不相安式耜加禮撫慰永忠
信服為之用宜章伯盧鼎亦至自楚式耜因疏請蹕
極言柳州猺獞雜處地瘠民貧不可久駐慶遠壤鄰
黔粵南寧地逼交夷不可遠幸又言桂林可鄙云云
騰蛟與永忠鼎璉等俱分防汎會

思當作忠

武崗之變 乘輿南粵紆道入苗蠻朝官星散不復
存上下綱紀式耜西望而泣散布金錢多遣壯士間
道迎求乘輿適報駕抵柳城乃益增發將吏裹餼糧
備車馬表請 上幸桂林臣躬掃行宮以待于是
上敦諭相國西陲朕根本地先生竭力守此待朕駐
車使朕不至顛沛異日國家再造先生功實多

庚午王光泰奔蜀

辛未太白經天

丁丑兵部尚書張家玉兵敗死

癸未清陷永州攻全州

清帥耿仲明佟代陷永州遂遣將王璟董英等攻全
州王蔣二鎮失其名禦戰黃沙河失利清兵遂渡西河
浦督師何騰蛟遣總兵何有奇援之

清陷全州岳陽伯王元成總兵唐文耀全州道馬鳴鸞
俱降于清

清攻辰州榮王遇害

清遣降鎮田起鳳以兵千人守沅州

甲午清兵入興安白土關

十一月戊戌朔

駕幸象州

官軍捷于全州

土司覃裕春子鳴珂與龍文明構兵驚移聖駕次象州式耜再疏迎請與騰蛟起恒籌畫調和主客集永忠璉誓於辰刻期出師宜章伯盧鼎與滇鎮趙印選各分路駐全式耜輸餉轉運不絕全州復大捷獲名馬駱駝而還諸帥連營而軍亘三百里清衆退出楚詔幸南寧

駕自象州欲往南寧忽為焦璉亂兵阻道文武諸臣皆微服而行馬吉翔左右御舟力挽淺水間上見之揮淚乃命閣臣王化澄吏部尚書吳貞毓間道護

三宮往南寧馬吉翔嚴起恒翬上仍遡十八灘還

桂林

十二月丁卯朔日有食之

己巳駕幸桂林靖江王亨甄留守輔臣瞿式耜郊迎上命式耜功高賞薄慰勞備至進見上殿賜坐給贊元經體不治細務以比諸葛武侯裴晉公先是七月司禮監龐天壽奉敕催兵下梧久在桂林舊司禮王坤被承胤逐復入自武崗至柳州至象票擬皆金吾吉翔手也式耜勸上攬大權明賞罰威德並行以服遠近

授原任禮部右侍郎郭之奇東閣大學士
在庚寅年駕幸梧州時

督師何騰蛟出師全州

各營兵不和焦璉走平樂郝永忠駐興安

清帥孔有德等攻銅仁思州

有德沈知祥耿仲明尚可喜合兵而攻

以劉遠生為刑部右侍郎丁時魁萬六吉等為給事中
是歲錦江伯揚展據嘉定

二年戎春正月丁酉朔駕在桂林

遣大理寺評事朱宿垣賚詔宣諭粵西左右兩江及雲

此條疑屬脫誤占未明錄

南土司令各發兵勤王

宿垣所至諭以大義土司無不感激願効復命

遷江西道御史

封趙榮貴定隨候駐白水

榮貴以保寧來歸故

以詹天顏巡撫順慶潼綿

以提兵皮勛守平溪

屬辰州

乙丑清江西提督金聲桓以南昌內附

聲桓與提兵王得仁以南昌等九郡之地來歸詔封

內附二字宜正書

行在揚州

聲桓豫國公加太子太傅兼吏兵二部尚書左都御史得仁建武侯其餘大小文武進秩有差嚴桓志存匡復每就故閣臣姜曰廣進士萬翱私相深計二人極力贊成各欲以身殉國嚴桓志遂決會清撫章于天貪虐上下咨怨且與聲桓有卻時以會宴演劇聲桓曰畢竟衣冠文物好看于天曰如此便當代為疏請聲桓自知失言深自引謝翌日于天遂上疏劾聲桓有反狀而撫史與督史兄弟也潛以其事告之聲桓發飛騎追獲其疏遂與得仁合謀殺于天傳檄江省州縣共圖反正

督師堵胤錫駐申家渡袁宗第駐松滋金家場
二月鳳陽地震

清廣東提督李成棟以肇慶內附

成棟遣洪天擢藩曾緯李綺等賫奏請 駕幸端州

清肅章京線國安遣降將田起鳳攻平溪

提兵吳尚慮率副將三人迎戰三人俱敗死

清攻永寧寨

線國安遣徐爾先等攻永寧寨貴溪王嘗灑提兵項登章被護苗兵萬人俱死

初八日崇陽王攻黎平敗于清鎮陳友龍

內附六頁正書

護當作獲

崇陽王率苗兵十二營攻黎平為清利津鎮陳友龍所敗諸營俱潰降獨興化土司迎奉國將軍暉全入寨以兵千人守之友龍復破寨暉全死

十五日鎮江地震

十七日金聲桓率兵攻贛州

十九日清孔有德入全州

二十一日永成伯郝永忠擁兵入桂林

二十二日駕發桂林留守大學士瞿式耜次樟木港激各鎮援桂林

清兵薄嚴關駕復南辛鎮將敗逃過省撞塘呼號屠

畫山當作畫

燒邑屋賊殺不辜欲以無禮犯式耜式耜端坐廳事不可動清乘間來窺突騎薄城門式耜率典兵宿將歃血定盟申約束盡則閉門固守夜則銜枚襲殺視丁亥春尤加奮勇西省賴以復全

永忠營被襲疾至關欲撤兵時左右近臣即勸上移桂林式耜以為不可若以走為上策桂可危柳益可危彼今日可到桂明日可到南太及反復十言淚下且沾衣巖起恒曰遲至厥明式耜備御用銀三百兩將進而乘輿已發式耜疾出送駕數千兵遮之不得行式耜署中冠服束帶箱篋圖書咸被掠聞其主將

以令箭護式耜署者反擄其署式耜裸坐署中持令箭逼登舟或曰無以復主將令乘主將先行而亂之耳

滇營亦自靈川撤城內烟火高樓櫓城外不可停泊式耜寢一小舟家大啓舟三里樟木港黎民司寇遠生給事中時魁六吉湘客至先以兵與閩民被殺掠聞上命湘客安撫亂亡及勸餉督出遠生時魁以台將入遇式耜于樟木港遠生僉謂兵潰倉卒不及瞬息難下手請下朔平間催焦璉入援檄遠近無內恐式耜然之舟下三十里至豆豉井式耜入民舍集

高下脱于字

大當作人啟當作放民當作明

遠生等立草檄分路四發明日仍返桂城下俾知留守在也旋駐陽朔璉兵續上援楚鎮周金湯熊兆佐亦入桂城式耜命簡討蔡之俊大理寺評事朱盛濂先入桂宣式耜令檄按察司僉事邵之燁部璉兵

湘客紀事

孫可望請駕幸南寧許之

詔封李成棟惠國公

遣吏部侍郎兼副都御史吳貞毓賫敕入廣東勞成棟封成棟惠國公并封佟養甲襄平伯

詔督師何騰蛟入守桂林清破興安

時騰蛟自守嚴關遣將守興安及奉詔守桂林清遂
破興安破岩關傷軍官萬人興安總兵三人及副將
叅游以下四百人俱死

是月辛卯白虹貫日

三月丙辰朔督輔瞿式耜入守桂林

時太常卿黃太玄斃于兵式耜棺斂之

乙巳駕幸南寧大學士嚴起恒王化澄同入閣辦事起
恒攝吏部尚書以龐天壽掌司禮監

西粵新書云隨駕止嚴起恒馬吉翔科臣吳其雷洪
士鵬許兆進尹三聘大司馬蕭琦七人

贈陳子壯東閣大學士忠烈侯謚文忠予祭葬廕一子
中書舍人錦衣衛世襲

贈張家玉少保太子太師武英殿大學士吏部尚書增
城侯謚文烈予祭葬追封三代廕其弟家珍錦衣衛僉
事

十三日清兵攻順慶

安南入貢

報李成揖之聘也

十五日大學士嚴起恒讀開選邕城受二十四土州貢
賦從之

邕城屬南寧 時陳邦傳守潯柳二州不能供億故
有是請

二十二日清攻桂林薄北門督師何騰蛟擊之騰蛟師
次榕江

初騰蛟自永寧至桂滇鎮胡一青亦統兵至桂清人
尚疑城虛直抵桂北門騰蛟督兵三面出追殺三十
里清人北渡甘崇去督師列營榕江瞿式耜輸餉百
石督師出関與留守相慰勞

二十三日甘州蘭州兵起

晉荆江伯張先為壁候

督輔瞿式耜檄諸鎮攻取全州

督輔瞿式耜檄廣西巡撫魯可藻下梧州

可藻銜自署兩廣舊例東撫稱制兼粵西西撫稱撫
式耜曰方今武人多自署撫軍輒自命貽遠人笑因
代疏請改銜

大學士周鼎瀚罷

當武崗之亂言官彈鼎瀚以附承胤入直式耜司票
擬獨不苛謂鼎瀚既係大臣應聽自謝免

賜輔 瞿式耜銀幣金圖書

篆曰精忠貫日

輔上脫督字

清攻潼州綿州

以朱天麟為大學士晏清為吏部尚書張起為戶科給事中張鳳翼以兵科掌翰林院張佐辰掌文選司童雲驥為行人潘駿觀為職方郎中

守制御史顧之後亦隨駕

陳邦傳自請世守粵西督輔瞿式耜奏止之

閏月丙戌朔皇子生冊為太子頒萬喜詔大赦天下督輔瞿式耜進八箴

式耜以經筵無講官無由聞得失書八箴於扇進之十八日荆江候張先壁克靖州遂克沅州

清沅州道戴國士以沅州來歸先壁題授都御史巡撫偏沅

召四川巡撫毛芝瑞為吏部左侍郎芝瑞旋卒

初芝瑞留劉承胤謀立武崗芝瑞力折之幾被害走廣東病踰年漸劇而所善黃嘉卿知養利州以書迎之遂移居萬年城至是行在以吏部右侍郎召之既拜命遽卒

五月乙丑朔日有食之

二十日清陷潼州

二十二日清陷綿州

流當作疏

日疑當作分

恒當作桓

二十七日督師何騰蛟復全陽

騰蛟奏捷流歸之留守曰為 皇上以信臣用臣者
式報一人也

陳友龍以奉天來歸

清援江西

五月七日清譚泰兵至石頭曰其兵一路從饒州一
路從九江一路從進賢並入圍進賢順化二門十七
日聲桓等兵自贛州下越二日入城先是聲桓命大
廳宋弘宇以兵三萬守南昌十三日戰敗譚泰兵于
鐵綿巷七里街在德勝門外泰兵于二十三日接戰聲桓

敗守德勝章江廣順王德仁守進賢順化濬臺七月
清築長圍二十以後以浮橋柵斷章江

六月甲午朔有流星入于箕尾

督輔瞿式耜勞師全陽

遣刑部侍郎劉遠生入粵東勞師

初成棟表至舉朝歡呼科臣張起靖先遣方正大臣
觀其虛實吏部侍郎吳貞毓拜命行使還力言成棟
忠誠迎駕初無虛偽因請幸廣遠生秦人久節鉞有
威名為成棟所重信式耜請充此選

督輔堵胤錫兵入嘗德辰沅

清官程時登余必躍逃

清副將馬進忠以兵來歸屯于蘆溪

進忠故流賊號混十萬

官軍復均州

清官李鳴謙走脫清官之守衡永寶慶柳鄖者多進

是月駕發南寧幸潯州

秋七月

晉陳邦傳慶國公留守潯州兼守南寧等郡

駕至潯州適宮眷有疾留數日邦傳以扈從新功擅

劄授官始于慶國自劄繼而部劄後則御劄亦曰欽

劄欽劄與吏兵部不相涉其銀則分散兵需及沿途
賞賚取足于此

邦傳浙人原任廣西總兵隆武二年掛征蠻將軍印
永曆改元封思恩侯

慶國公陳邦傳請世守粵西故黔國故事閣臣朱天麟

票擬不允其請邦傳恚甚令武康伯胡執恭至天麟舟

中傳語云勲公欲將劍印擲公舟令各營兵聽公發付

等語詞色甚厲天麟為不動

佟養甲伏誅

成棟遣養甲代祭典禮密令李元胤夜磔之于江中

進疑當作遁

故黔之故當作倣

為不二字倒

典當作興

典亦當作興

^所有宜二字倒宜當作疑

元胤成棟養子本姓孫

八月

朔駕幸端州

即肇慶

賜惠國公李成棟建元勳

府第以元胤為左都督

式報而奏駕勿東興陵兩載風塵成棟令地方官修葺陵殿巍然天壽展謁畢龍舟宜即返灘灘而上成棟備法駕進御用嚴護衛甚威具移山超海之力非所有宜但事權宜專號令宜一茲軍功爵賞文武署置決于成棟若歸之朝廷徒虛拱且楚黔雄師百萬騰蛟翹首威靈駕既東軍中將帥為皇上樂新復之地成棟亦有邀駕之嫌號令既遠則人心渙散請

口當作仰

見朝二字倒

上一見東諸侯俾瞻口天子音容面為慰勞指屈然後責其盡意于東刻期出師一切決于外不中擾也式報先後遣簡討蔡之後給事中蒙正發迎駕上竟由梧入肇式報再疏言前日粵東未復上宜住桂以視楚今日江廣反正則宜住桂以出楚事机所在毫厘千里吏部侍郎吳貞毓請上幸廣城式報乃促遠生入朝遠生見朝後成棟適自欲還師修行營迓乘輿上命遠生詣廣勞成棟遠生謂成棟曰今乘輿駐北爵賞征伐人疑有私不可不嫌成棟然之遂罷修行宮止遣官迎駕蓋遠生承式報意欲駕

返桂林也

召大學士瞿式耜赴行在式耜疏辭

戊戌督輔何騰蛟復衡州永州師次湘潭

庚子復寶慶

張先璧唐姚陳友龍等所復

以袁彭年為都察院左都御史洪天擢為吏部侍郎潘

曾緯為大理寺正卿李綺為提學副使

從李元胤薦也

補陳世傑翰林學士吳以連驗封司李貞給事中高賚

明御史王應華光祿卿楊邦翰太僕卿唐元揖職方司

從元胤薦也世傑等皆廣人

陞曹燁兵部尚書耿猷忠毛毓祥通政使

從洪天擢薦也

大學士嚴起恒王化澄朱天麟吏部尚書晏清吏部侍

郎吳貞毓科臣吳其雷洪士彭雷得復尹三聘許兆進

張起等俱赴行在所

副都御史劉湘容禮部侍郎吳璟即吳文瀾吏科都給事中

丁時魁戶科都給事中蒙發正兵科都給事中金堡禮

科都給事中李用揖文選司郎中施台徵光祿卿陸世廉

太僕卿馬光儀司徐世儀等皆赴行在所

以上八則見兩粵新書事多未核據劉湘容撰瞿留
守傳實未嘗赴行在

九月癸丑朔有火星自東隕有聲

清陷寶慶

陳友龍復降

冬十月壬午朔惠國公李成棟入朝

成棟五日一朝時政無巨細上悉委之成棟亦必
請旨後行

督輔何騰蛟檄馬進忠李赤心會師取長沙

南雄知府凌犀渠遇害潮州

二十二日清再陷常德

左都督李元胤署吏部尚書

元胤既殺佟養甲子德慶道上威權愈赫會其誕日
饋送稱觴達于冬抄通政司疏陳乞官日以千計閣
臣票擬只有着議其奏四字文選雖掌銓衡之權空
名而已廣省非從元胤轉奉成棟劄咨不得擅為除
授桂林平樂則瞿留守為政廣遠柳州則焦新典為
政潯南思泰則陳慶國為政慶國先有降表至廣為
成棟所鄙承成棟旨咸思擊之

洪雅兵亂

赫當作赫

其當作具

是冬洪雅鎮湯國聘與團練花漢將熊振生治兵相
攻洪雅之境無寧宇

十一月 朔

李成棟請出師南雄與金聲桓合攻贛州

督輔何騰蛟遣兵復安化醴陵益陽湘鄉攸縣

初二日馬進忠李赤心兵至長沙

清大同鎮姜瓖以大同內附

二十六日清吳三桂兵至保寧

永國公曹志達駐永州

十二月 朔

李成棟師次南雄

清援長沙李赤心大掠湘潭而遁

三年

己丑

春正月

朔駕在端州

罷大學士朱天麟召舊輔黃士俊何吾騶入直

科臣金堡等疏劾陳邦傳邦傳疏請即用堡為監軍

以觀臣十萬鉄騎十一日大學士朱天麟票擬有金

堡從來朕亦未悉之語十二日早朝科臣丁時魁等

率科道十六人進丹墀掛冠而出上不得已賜諭

帖子李元胤收回原旨天麟即日放還田里金堡丁

時魁等仍舊供職時魁等又劾天麟結太監王坤求

陳邦傳特薦得以入閣又令其長子為御史掌河南道次子為中書弟為行人得旨一門盡黜

十九日清再陷南昌金聲桓敗沒

一作二十九日

南昌有湯副提守進賢門獻城王得仁被執死之姜曰廣自經

二十一日清再陷湘潭督師定興侯何騰蛟被獲不屈死之馬進忠走靖州

諸帥望風奔潰却地數百里省會震撼老幼竄走內外數十萬不復舉烟火

清陷衡州

二十八日大學士黃士俊何吾騶乞罷許之

嚴起恒王化澄同入閣辦事

詔勅中書張立光崑山張魯傳之子陳邦傳致金珠

祈改敕中一字因去秋駕過潯州邦傳留駐月餘李

成棟連表亟請駕遂發仍令邦傳居守潯州如瞿相

例中書寫敕遂以世字為居字科道疏論立光擬罪

袁彭年求入相不得上疏云院臣舊臣以三千跌騎

西來今日君臣安在上持其章示群臣舉朝大駭

時肇慶有假山五虎圖謂元胤以賈冒李也元胤本

舊臣之臣疑當作時

鄉當作鄉

姓孫又姓賈五虎者為總憲袁彭年為虎頭 丁時魁為虎尾戶科蒙正發為虎脚兵科金堡浙人隆武初為延平知府疏激 上殺同鄉尹文燁施瓊二人人畏之號為虎爪副都劉湘客陝西布衣來自瞿相又為成棟同鄉號為虎皮見南粵新書二十八日定隨侯趙榮貴戰沒龍安柏峪口隨一二月 朔張先璧率水陸兵數萬攻辰州不克初五日清入撫州次日破建昌初九日樂安縣殺姚大使二十五日破蠡縣

陷長沙

破煉縣

晦日賴熊等破廷陽

是月清陷信豐惠國公李成棟歿于陳

正月成棟踰嶺攻贛州遣金聲桓戰不利全師退去

成棟勢單清將高進庫乘機拒戰成棟復不利退至

信豐兵潰不可制成棟親為斷後乘馬渡河負鉄甲

馬不勝水溺成棟遂卒時中軍杜永和代領其眾清

兵復追敗之兵部侍郎張調鼎監軍道姚生文為亂

兵所殺

廷當作建

三月

初七日行在得督師何騰蛟惠國公李成棟敗報

方中湘之報陷也羽檄達行在公卿震駭會集政事

堂議所以代定典候者僉曰惟留守公望尊德鉅足

以折制諸將議欲舉大事招討湖南北莫留守公宜

奏上 上曰俞世留守式報作朕柱石朕悉其才是

必能為朕任閩外釋北顧憂者于是賜式報彤弓鉄

鉞特遣郎官一員捧詔式報從此沅湘永寶鄂岳

上下三軍之任行間者皆得生殺予奪惟命式報辭

不獲乃戒期誓衆建元帥旗鼓申號令親出入行間

令且環師全永逃盪捷擊刻日可猷俘馘

初八日兵至湘潭

夏四月初三日清丹陷寶慶

初五日太白八月

初八日犂虜伯孫守法敗沒于興安

沒于藥箭寨

十四日故科臣沈迅自焚于萊陽

二十六日虜破長山

孫可望據雲南自疏求封秦王不允以安東封之可望

不受

可望遣龔彛之弟鼎獻南金三千兩名馬四匹求封親王名號金堡以祖制無有阻之廣西南寧府與滇之廣南府接壤龔彛來書有不允即殺出等語陳邦傳大惧即具疏為可望請封秦王大學士嚴起恒以為不可止封安東王可望因拒命未幾可望密遣人擊起恒于鄧州之濱幾殆

五月朔以兵部侍郎張同敞總督湖廣軍務授瞿昌文中書舍人

昌文式耜孫也自海至

督師堵胤錫辭朝旋病卒于潯州

胤錫將滇南過宜章圖入粵東因割據者強觸相凌
乃不果行遂以偏師會曹志建于永明孤軍無援遂
為所制兵將瓦解胤錫單騎夜遁走間道覲闕至潯
陽卒

劉湘客曰胤錫從瞿公書云 上有密勅云東人握
君子掌一朝不戒生劫入舟朕不復有中土之望唯
卿與瞿先生圖之瞿公得書大驚知斯語非出上意
鹵簿諸臣欲外鎮與東諸侯釁則從中可攬權故詭
為 上敕使胤錫聞于諸鎮

上方蹕東鼓厲征討詎意內外生釁書四年朝事始

錫下當有云字

在者作左

末致胤錫我輩不力視封疆聽人率宰而啓蒙非社稷之福也忠貞營勛國公高必正諸勲咸偉其議

六月朔在都御史袁彭年以憂去

自五月乙丑雨至于六月己丑大水寒

秋七月朔遣內侍持敕獎南雄守將閔可義杜永

和

副將楊大甫與李元胤不協先燒營東下南雄卑弱

可義漸指自誓軍心始固

十四日楊展破遂寧旋潰回嘉州

永州再陷興寧侯何一青退守榕江督輔瞿式耜檄一

青出兵屯全州

台廷臣集議于慈寧宮發東餉萬兩

八月朔

初八日以督輔瞿式耜生日遣官賜金幣

八日姜瓖敗沒于大同

袁韜武大定等誘殺楊展遂據嘉眉

明年春葛佐明倚九溪之險糾眾與袁武相拒期

年始定

是秋清帥尚可喜攻陷潮州

大學士郭之奇禮科都給事中郭朝薦相傳殉節

冬十月贈何騰蛟中湘王李成棟寧夏王金聲桓南昌伯設壇祭之

大學士王化澄致仕嚴起恒入直

自黃士俊何吾騶去位有疏未拜而先商票擬落旨不符則與化澄相仇故化澄罷去惟起恒耐之故得獨相

十一月 朔德化王被獲遇害

鄭芝鵬踞石榴城清兵至隨遁去劉中藻在福寧勢窮自縊福建盡失唯延漳汀三郡界連江西而延平所屬皆處萬山中清兵既去德化王慈燁踞將軍寨

先陷大田繼破龍溪攻順昌將樂十一月清兵復陷之王被獲兵部尚書羅南生等降

十六日清入 州巡撫鄭爰陣歿于燕子窩

副將陳勝彭昌高勝談玉等戰于白虎關俱被獲死

十二月

十二日興寧侯何一青率粵兵數萬攻永州不克退入山

曹志建復永州

并復桂陽擒清官李亨

潮州守備郝尚文降清

州上當是永字

真直二字倒

孫可望大掠貴州殺富順王平鼎

是歲封李建捷安肅伯

建捷北真直定人成棟養子從信豐歸守廣州

四年庚寅春正月駕在端州

清陷南雄屠之閩可義力戰而死杜永和以餘兵守清遠峽

初六日清陷韶州

寶豐伯羅成耀預遁

賜李元胤復姓為孫

上以成棟死難晉元胤車騎將軍封南陽伯元胤力

辭詔固不許乃勉受車騎印而章疏多不改元銜

去冬清以精騎破南雄韶鎮羅成耀棄城走元胤聲

其罪與蒼梧棄督師鎮揚大用咸伏誅人咸服其紀

律時督廣州杜永和退走海外保瓊州

初七日復以王化澄為大學士

初九日駕端州十三日命孫元胤留守

上聞韶鎮羅成耀遁去遂戒舟西上

駕至德慶

二月 朔駕至梧州

戎政劉遠生奏自請行守清遠峽給事中金堡奏留

駕下脫啓字或考

駕爭之不得適大學士瞿式耜疏至言粵東難得易失且韶去肇數百里強弩乘城堅營固守亦可待勤王兵至何乃朝聞驚而夕登舟疏再上而蹕移德慶向梧州矣

下給事中丁時魁金堡蒙正發詹事侍郎劉湘客詔獄從御史程源奏也大學士瞿式耜七疏救金堡等時上至梧州百官請修行臺上欲以舟為家有旨命陳邦傳統兵護駕馬吉翔護三宮舟先行五虎失勢執仇者群起獨袁彭年以憂去得免時魁等奉旨逮問于梧州始厥衛故事榜掠招賂以數十萬計盡

環疑作還

鼻上多有啟字及構字

狎當作粹

以充餉拷汎時惟堡大呼 二祖 列宗餘則乞哀殊甚

十五日清攻奉天總督劉祿監軍御史毛養登戰死馬進忠走靖州

二十六日清攻廣州

清陷惠州

惠州總兵黃應杰道臣李士璉知府林宗京等以惠州降清并執趙王由棧以獻

三月

二十四日清破永州鉄柱關次日破龍虎關總兵向明

高姚得仁陣歿永國公曹志建奔灌陽

二十八日殊勅發內閣榜索彭年金堡丁時魁劉湘客
蒙正發等罪于朝堂追賊遣戍以昭法紀

夏四月 朔再行考選

朱士焜考選第一

常州靖江縣人

補吏科給事中以代丁時

魁補童雲驤御史潘駿觀職方主事雲驤謝思時伏
地不能起殞于御舟

初八日清至黔陽

二十日王光恩駐巫夔間行屯政

清兵至郴州興寧縣巡撫黃順祖總兵林國瑞戰死其

衆二千人被屠

二十四日興國侯李赤心擒永州清官李茂祖余世忠
送行在誅之

茂祖陝西布政署巡撫事世忠乃鎮將也

六月 朔

清入清遠峽

清遠叅將鄺文龍東莞總兵張道瀛叅將張善南雄
副將覃養志等俱降

秋七月 朔

湖南巡撫

總兵白文明自柳桂出降于孔有德

八月

十五日御舟泊繫龍洲

在梧州之東

自春至秋王嚴二相隨駕逍遙河上有民謠云漢宮秋也昭陽愁也起恒字秋治化澄至昭陽上與太后三宮置酒樓船簫鼓于梧州繫龍洲之上下起恒手書水殿二字掛小牌子御舟前上飲至中宵不樂而罷以清遠峽及惠莞間有敗報也

九月清破灌陽知縣李遇昇被獲死

曹志建奔恭城

冬十月

朔日有食之

上不怡嚴起恒疏請修省

大學士瞿式耜遣其孫昌文入覲于梧州授昌文翰林院簡討

十一月

駕幸藤縣陳邦傳自潯江迎駕

初一日清陷廣州屠之

孫元胤携重貲入廣城中州人亦嬰城自守男子上城婦女饋餉清兵環圍城外自八月至十一月初二日五鼓北門觀音山紫雲梯遂入城：中驚惶相蹂

再當作身

敢當作散

踐砲銃相擊城門築塞難開百萬人民盡死于內杜
永和自清遠敗後退還端州尚有兵萬人知不能守
遂奔恩平高雷以扼高雷廉上與太后三宮移再
西上至藤縣遂分為兩陳邦傳自潯江來迎駕諸臣
與之合者皆往右江不入者則入容縣溝赴北流陸
州高化境兵多敢潰肆行剽掠戶部尚書吳貞毓失
一妾刑部尚書毛毓祥乃身遁聞上往南寧向交
趾及二十四土州為援相隨有王化澄嚴起恒馬吉
翔龐天壽等陳邦傳尚據潯江為殿後其兵尚萬餘
初三日清孔有德入全州

衛國公胡一青撤守榕江兵

初四日孔有德犯興安

四日有德兵至興安次日辰刻大舉入巖開國公
趙印選衛國公胡一青寧遠伯王永祚俱以分餉入
桂榕江空壁武陵候楊國棟寧武伯馬養麟方馳出
小路軍榕江兵未戰而四潰發使趙印選印選已出
城：中大亂沿道驅掠式耜令戢之不得城外潰兵
各鳥獸散一青永祚從城外去式耜衣冠危坐署中
邊總督張同敞自靈州回過東江不入泗水過江
入桂林願與式耜同殉國

初六日孔有德破桂林

劉湘客作初五日用曆異也

靖江王及其世子長史李

被獲不屈死

留守大學士瞿式耜兵部侍郎張同敞被執不屈羈于別室

大學士王化澄戶部尚書董天閔廣西布政朱 俱降于清

桂林平樂全州

東安永寧臨桂靈川興安義寧灌

陽永福恭城陽朔荔浦修仁富川平樂昭平等十七州縣俱陷

閏十一月

十七日留守大學士瞿式耜兵部尚書張同敞死之

劉湘客曰瞿公執去見有德公云事已至此一死足

矣夫復何言有德雅重公安于別所防衛嚴而不失

禮焉公賦詩與張公賡和邏卒得公與胡一青書知

公死心社稷而志未灰也十七日辰刻請公出公笑

謂張公曰我二人多活了四十日今日事畢矣張公

亦謂曰今日得死所矣遂南面被害十六日之夕十

七日之辰雷霆冬發遠近皆曰徵在公也瞿公絕命

詩云從容持死與城亡千古忠臣自主張三百年來

恩澤久頭絲猶帶滿天香時給事中金堡已為僧有
德請堊二公遂瘞北門園

十二月

駕幸南寧入土州朱天麟嚴起恒王化澄馬吉翔龐天
壽等俱從行

擢兵科給事中張起為副都御史巡撫南寧

南陽伯孫元胤被獲于欽州赴廣州

五日之內兩廣連陷駕離梧州為陳邦傳所劫百官
星散元胤身率散卒護蹕憇南寧身至南海檄薦旅
至欽州為土兵王勝常所劫械送廣州見有德不屈

滕有德不遂殺留之以招杜永和

是冬高李二將率眾數千渡瀘自黎州出掠嘉眉

五年癸春正月 朔駕在南寧尋幸安隆州

二月十五日清陷梧州及蒼梧藤縣

二十五日清陷柳州及象平馬平

三月

端州羅定州降于清

清陷高州

高州提督李明忠兵潰峪口清兵追至電白縣明忠
預遁清遂陷高州道臣郭光祖吳人龍知縣文振義

副將王邦友等俱降清

新泰伯鎮守潮州總兵郝尚文潮州道沈時知府王朝鼎俱降于清

尚文尋內附

夏五月秦王孫可望遣將賀九儀總兵常榮將兵至南寧護駕并請移蹕雲南

上亟召隨從諸臣議之時閣臣吳貞毓御史王光廷徐極等勸駕幸欽州依李元胤閣臣朱天麟力請幸滇言元胤屢敗之餘衆不滿千棲依海濱其不足恃明矣雲南山川險阻雄師百萬北通川陝南控荆楚

函當作亟

函宜移蹕以堅可望推戴之心以慰中外臣民之望吳貞毓魏光廷等堅執不可遂寢其議

秋八月慶國公陳邦傳與其子文水伯陳曾禹遣將至梧州降于孔有德

潯州總兵李時方有聲副總兵鄧景監軍道楊兆文潯州知府何允中俱降于清

陳邦傳殺宣國公焦璉

璉與邦傳有兒女戚邦傳說降不屈遂為所誘殺又寧端伯茅守憲為邦傳所脇繳印降守憲尋悔恨遂卒

冬十月撫南昌劉文秀率兵五萬攻保寧不克
文秀自滇入蜀與文韜武大定等相拒數月
十四日靖南侯于大海率兵于荊州降于清
大海初據夔州之巫陽為孫可望所敗故降
定川侯李占春被執

占春偽降即為僧遁去尋復被執

是歲永州諸生鄧光遠不屈死之

孫可望殺大學士楊畏知

畏知故衡滄道也永曆改元擢部院是年入覲安隆
晉大學士還滇可望忌而殺之

六年壬辰正月

朔駕在安隆州

二月二十五日吳三桂破嘉定州總兵王文選預遁

清杜繼茂兵入欽州開國公趙印選預遁

杜永和守瓊州降清

三月初八日湖北晝晦大風揚沙至持燭而行

官軍復沅州又復平遠衛藍田縣

清破佛圖關遂陷重慶

夏四月二十日清入叙州總兵王俊臣白文選退守永
寧

故四川提學任佩菴降于吳三桂

十一日德州雨雹大者如瓜殺三人沉漕舟一
十三日清殺南陽伯孫元胤安肅伯李建捷

元胤聞杜永和之降慟哭三日夜清遂殺之投尸江
中時前鋒將周彩安肅伯李建捷亦成棟養子與元
胤義兄弟也建捷嘗從杜永和先登廣州敗走蒼梧
與元胤同護蹕亦隨海內欽州作難已登舟出海聞
元胤被執遂願與同死

十八日官軍復清州擒斬清總兵揚國勛

二十一日孫可望自靖州率眾攻湖南清帥沈永忠遣
張國柱禦戰可望擊敗之

六月荆江候張先璧朝行在封沅國公

晉馬進忠鄂國公

吳三桂破石泉縣巡撫詹天顏及曹洪等俱被獲

天顏福建人

秋七月庚午朔復寶慶

初四日安西王李定國平東王孫可望復桂林孔有德
陳邦傳曹盛祖秘希孔承先孫龍孫延世董英袁道先
等伏誅

可望自行在出寶沅定國帥偏師輕騎扼有德于桂
林旬日下數十城有德自死獲其幼子置軍中至十

三年己亥春殺之

十一日庚辰黃霧四塞

復永州

擒斬清紀國相鄧胤昌姚杰等數十人

八月十六日復夷陵

十八日建極殿大學士朱天麟卒于廣南府予祭墓廕

一子中書舍人謚文靖

孫可望敗清于靖州

可望駐長沙善安縣

博典候張月降于清

典當作興

九月清再陷梧州

杜永和張月執提督李明忠降于清

詔授文日章為攸縣知縣

吳三桂兵至龍安邊堡

冬十月撫南王劉文秀攻保寧不克

文秀自綿州出攻保寧十日吳三桂至文秀撤圍退

十一月十三日官軍復衡州擒清辰州總兵徐勇及劉

升祚等

十九日清兵至湘潭馬進忠退守寶慶

二十三日清再陷衡州

總兵馬

敗死

十二月初五日清陷藤縣總兵羅超戰歿再陷賀縣
二十九日清兵入平樂縣平彭俊陣歿
是歲封莫宗文安仁伯

六年

癸巳春正月

朔駕在安隆州

二月李定國馬進忠兵入永州

二十八日永州陷李定國走龍虎關

孫可望駐靖州總兵馮壯力駐奉天

清帥耿繼茂破廉州道臣王道光被執死

道光江西庚午舉人初任雲南太和知縣

三月武陵候楊國棟安仁伯莫宗文攻嘗德不克
十七日孫可望禦清兵于周家堡敗回寶慶

安西王李定國敗于肇慶退駐柳州

夏四月郝尚文復以潮州內附斬清知府薛信辰

五月封楊時清征定候

六月初四日潮陽再陷

閏月初九日安西王李定國出師廣州攻肇慶

二十六日總兵周金湯攻復遂溪降其守將陳琪

秋七月李定國復化州吳川信宜石城定國以施尚義

守化州

初九日李定國離肇慶

十三日李定國遣兵入賀縣樂平

二十一日李國定率兵二萬攻圍廣西賊不克

定國圍七晝夜清兵自奉天至定國解圍

搃兵王之邦卜寧張蓋陣歿于陽朔

叛將趙文貴執四川道孫胤乾至保寧獻于清

孫可望駐奉天

李定國兵擒斬清廣西巡撫王荃可

八月初五日石城遂溪陷

化州陷

九月十四日潮州再陷新太候郝尚文父子投井死潮州道李兆京被獲死

以王立功內應也尚文一作尚久以功歷陞搃兵守

潮州清至以城降附子歲李成棟內附尚文復正朔

詔以為將軍仍駐潮州李敗復降清為潮州搃兵尋

加銜管水師中疑不肯越省城癸巳復奉正朔自稱

復明將軍挾諸鄉紳入城盡反清所署官屬願從者

仍與原銜不願者拘留之唯教官以下聽下各邑追

印多挾印去空城以待惟龍溪知縣焦某舉城歸之

至是清以重兵壓之尚文父子投井而死

一曰自縊死

冬十月清帥尚可喜陷吳川縣

陳彛典陳其策被殺

十一月二十日清督祖澤遠援鄖陽

十二月十三日清破郴州桂東縣黃蠟潭巡撫朱俊臣陷陣死總兵羅念等降

是歲官軍擒斬清廣西右江道叅議金漢慈梁平知府尹明廷廣西副將溫如珍降于清

八年甲春正月 朔駕在安隆府以吳貞毓為大學士

孫可望駐靖州

三月安西王李定國帥兵入高州張月來歸

夏四月初十日李定國兵至雷廉遣將攻復羅定新興石城電白陽江陽春等縣

六月李定國遣將攻梧州不克

官軍擒斬清湖廣湖北道右叅議劉禹祚辰州知府王仕玘

秋七月遣內臣至廈門島冊封朱成功為延平王

二十六日平遠再陷

冬十月初三日官軍攻圍廣州

十一月詔改安隆州為府改都康萬承安平龍安諸州

為府

十二月 朔延平王克復漳州

初六日李定國攻新會縣

十四日清援廣州官軍解圍

十六日李定國攻肇慶不克還廣西

南寧巡撫張起致仕

起與孫可望標將賀九儀不和故也

是歲于大學士吳貞毓自刎殺張鏘等十餘人

詔曰朕以眇躬纘茲危緒上承 祖宗下臨臣庶閱

今八載險阻備嘗朝夕焦勞固有攸濟自武衛肇梧

于字疑衍

庶當作庶

國當作圖

以至邕新播遷不定茲冬瀨湍倉卒西巡苗截于前
虜迫于後賴秦王嚴兵迎扈得以出險定蹕安隆獲
有寧字數月間捷音疊至西蜀三湘以及八桂游歸
叛國憶昔封拜者纍纍若類皆身圖自便任事竟
無一人惟秦王力任安攘毘于一人二年以來漸有
成緒朕實賴之乃有罪臣吳貞毓張鏘張福祿全為
國徐極鄭元蔡宿趙廢禹周元吉易士佳楊鍾任
斗樞朱東旦李頤蔣乾昌朱謙昶李元開胡士端包
藏禍心內外連結盜竇矯勅擅行封賞貽禍封疆賴
祖宗之靈奸謀發覺隨命廷臣審鞠除賜輔臣吳

一皆作云

貞毓死其外張錕張福祿等同謀不法蒙蔽朝廷無分首從宜加伏誅朕以頻年患難扈從無幾故馭下之法時從寬厚至以奸回自用盜出掖庭朕德不明深自刻責此後凡大小臣工各宜洗滌廉法共守以待昇平云一

附孫可望奏為行在諸奸矯敕盜竇擅行封爵大為駭異隨奉 皇上賜書將諸奸正法仰見乾綱獨攬離炤無私首惡吳貞毓張錕張福祿也為從者徐極蔡宿等也 皇上立寘重典以彰國法矣蓋李頑臣弟也勦虜失律法自難寬方責圖功以贖前罪而敢

盜竇行封是臣議罰諸奸反以為應賞矣且臣所部諸將士比年來艱難百戰應賞應罰惟臣得以專之故名器宜重早已具疏付楊畏知奏明即畏知之服上刑亦以晉中樞旋晉內閣之故原疏具在可復閱也因憶兩粵並陷時 駕蹕南陵國步既已窮蹙加之叛爵焚劫于內虜首彎弓于外大勢岌岌卒令駝喙潛跡宴然無恙不謂非賀九儀等遵王朝令星馳入衛之力也又憶瀨湍移蹕時危同累卵諸奸惡力阻幸黔堅請隨元胤敗死使果幸防城則誤主之罪寸罪遂足贖乎茲蹕安龍三年矣總獲寧宇又起風

寸罪之罪當作斬

波豈有一防城一元衛可以再臨 聖躬乎臣累世
力農未叨一命之榮升斗之祿亦非原無位號不能
自雄者也沙定洲以雲南叛臣滅定洲而有之又非
無心兵難于進攻退守者也總緣孤憤激烈莫留芳
名于萬古耳即秦王之罷命初意豈能覲此哉故楊
畏知之齎奏疏中有云今之奏請為聯合恢剿之意
原非有意以求封爵也臣關西布衣據彈丸以供駐
蹕願皇上卧薪嘗胆毋忘瀕湍之危如 皇上以安
隆僻隅錢糧不敷欲移幸外地唯聽睿斷自當脩辦
夫馬錢糧護送駕行斷不敢阻以蒙要挾之名

前南寧知府顧祖奎卒

祖奎吳江人祝髮為僧卒于肇慶之白雲寺

九年 春正月

朔駕在安隆府

二月孫可望駐貴州以部將朱養思守南寧

安西王李定國自賓州入南寧

撫南王劉文秀駐川南

三月二十九日昭平陷

屬平樂倪志倫歐光大袁啓秘徐天麟俱降清

夏四月二十六日李定國兵敗于新會

標將王成張士祿嶺西道陸士瑞 道李昇東安

知縣羅大經俱降清

五月二十三日劉文秀馬進忠與武大定等攻常德不克

冬十月蜀鎮胥登榮降于吳三桂

一作胥發榮明年正月降

十年丙春正月

朔駕在安隆府

夏四月安西王李定國迎駕入雲南

定國兵至州詭為清兵戰敗孫可望部將關育才

之兵遂奉詔入安隆州執可望家屬以去

六月潯南恩秦俱降清

秋七月義寧伯龍韜駐柳州

韜與李定國為應援旋被獲死

十八日延平王攻福京

九月十九日清入辰州

冬十月夔州巡撫鄧希明提兵張元凱降于吳三桂

希明自獻賊亂后與元凱同屯壘開縣入覲安隆授

官

十一年酉春正月

朔駕駐滇都

進李定國為晉王

秋九月秦王孫可望謀叛移師犯滇晉王李定國蜀王

劉文秀奉命討之師次曲靖府十九日戰于交水可望奔潰

二十一日叛藩孫可望遣賊將張勝問道襲滇中書科中書舍人朱斗垣遇賊不屈死之

先是可望謀逆其部將白文選將所屬來歸上嘉之封文選為鞏昌王遣尚寶司楊楨幹中書朱斗垣賫救往曲靖軍中途遇賊兵遂為所害

二十二日晉王李定國班師援滇擊張勝于渾水塘擒之斬于市

保國公王尚禮卒于滇中

以馬吉翔為大學士李國為司禮監
進撫南王劉文秀為蜀王

是年文秀遣總兵王俊臣姚之貞等統兵三萬人攻保寧為吳三桂所敗俊臣之貞俱死喪卒千餘

萬翱彭萬夫李春秀等降于清

翱原任兵部尚書萬夫為某官春秀舉人降于清偏沅巡撫袁廓宇

冬十一月十五日孫可望降于清

可望為定國所敗率家卒數千人詣保慶降于清清封可望為義王後隨出獵被射死初可望部將桑某

者降歸定國故可望窮蹙奔降柔某後為清兵獲械
至北京入見柔慷慨自若竟釋之

十二月清兵攻雲貴

泗城州土官岑繼祿降清為嚮導引清兵從間道直
抵安隆時晉王李定國守盤江聞報自統精兵三萬
人倍道趨戰我師敗績

十二年越春正月

朔 駕在滇都

二月原任總兵鄧凱朝行在

凱江西吉安人初同楊廷麟劉同升萬元吉龔榮等
奉隆武正朔起兵江西其父某死國事

夏四月官軍克橫州

秋八月十七日延平王克復台州

授鄧凱為隨扈總兵守大明門

是年冬十月初七日 上遣內臣李崇貴召凱入朝

上曰爾忠義老成可即隨護東宮賜銀一百兩賜

銀鼎盃一隻

冬十二月十五日 駕離滇都傳幸永昌

新津侯譚宏仁壽侯譚毅總兵譚憲譚大圖俱降于清
文臣方時等同降

鞏昌王白文選以兵二萬人守貴州七星關敗于清

曲靖知府蓋世祿降于清

世祿貴州畢節衛選貢生也

十三年己亥春正月朔

初三日清兵入滇都

提督提兵劉之扶許大元提兵王宗臣王有德副將朱文彩朱文盛提學道徐心箴光祿寺少卿管雲南分巡洱海道黃復生等俱降于清復生仍管洱海道心箴署臨沅道

初四日 駕幸永昌

吳兵已入貴州 上在雲南倉卒聞報群臣束手無

措太僕寺正卿辛延泰仁壽人請駕即日幸蜀開荒屯

練以圖便利 上意未決晉府中書金公社雲南極

言入蜀不利是時文武臣僚滇人居多皆思保妻子

弗欲遷勸 上寢之吳兵分道前進一从火洪龍元

安龍入一自率諸將從烏蒙入 上聞警卒起行先

至永昌

沅江知府那燾起兵戰敗登樓自焚又子夫婦闔門皆殉義死

泰安伯竇民望力戰不克死之

時晉王兵駐磨盤嘴先遣大定營泰安伯竇民望領

僕當作什

步兵三百人前行與吳兵遇民望誓將士為殊死戰自持雙刀殺吳騎將數十員騎步兵三十餘人益畏縮欲退是夜民望復謀乘勝捷擊吳軍將行為小子所洩吳知之別適得免明日民望復殊死戰三百人且盡尚存一小子奔吳營降吳詢知民望令鎗砲齊發民望受數百鎗彈從脅穿透戰如故持刀潰圍走尋上所在行三十里血湧僕地死吳遂整兵前進晉王李定國退入交趾

閏月十八日 駕幸騰越州二十日遂行以靳統武為護駕總兵

其兵即孫可望之眾也念一日統武竄去

二十八日 駕入緬甸緬人來迎

二十九日 駕由蠻莫次日遂行

初 上在永昌大學士馬吉翔編修貴州塗敷功吏部左侍郎四川鄧士廉大理寺正卿齊還沐國公天波左衛將軍四川徐鳳翹等二百餘員及家口二十餘人不俟大軍齊發先入緬界

是月雅州伯高承恩及諸土司據兵守境

二月 朔文武諸臣自騰越齊奔緬境

初四日馬吉翔李國泰棄太后東宮先奔井梗

初五日鞏昌王白文選遣兵至唵哇城迎駕不值而去
禮部侍郎潘琪卒

十七日清兵入永昌騰越州

十八日駕幸井梗是晚文武諸臣會于御舟前議遣搃
兵鄧凱行人司任國璽使緬馬吉翔止之

吉翔恐二臣先行言其過也

二十八日遣馬雄飛鄔昌琦使緬

緬王請大臣過河相議乃遣二臣惟通事傳說皆

神宗時事所去敕書彼出 神宗敕相對分寸不符

疑以為偽出沐國公印相對乃信緬因 神宗二十

二年因亂來滇請救本朝不允遂絕貢

三月

通政司朱蘊金搃兵姜承德自縊死搃兵潘世榮降于
緬

沐國公天波綏寧伯蒲縷晉王搃兵王啟隆等集于
大樹下天波曰緬酋待我曰疎可就此處走護勒撤
孟良等處為善吉翔與李定國有約力阻之十七日
陸行者到唵哇對河離城五六里而營緬酋疑我圖
其國發兵圍之有被傷者餘各星散晉王搃兵潘世
榮即降于緬通政朱蘊金吉翔中軍姜承德各縊死

夏四月為吉翔舉錦衣衛丁調鼎考功司楊生芳使緬國

二十六日大理寺卿徐環卒

安隆所統兵周文龍降于清

文龍自田州遣弁赴肇慶納降

光祿寺少卿盧桂生降于吳三桂授大理府知府

時晉王遣張應奇說桂生歸正應奇被執送吳三桂

殺之

五月初四日緬王遣官以龍舟迎駕

初五日駕離井梗

初八日緬王羈駕于孟坑城外

地名者梗

緬王接駕見中國男女財帛心利之欲圖害上遂

謀奉駕安置孟坑城外四面皆海人不得通初七日

駕至哩哇城對河結營初八日進者梗即前陸行者

所扎地也構草房十大間上居依然以竹為城每

日百餘兵護守

初九日緬人進貢上優賜之

相傳緬婦每日貿易如市諸大臣皆短衣跣足混入

緬婦貿易據地雜坐談笑緬官乃曰天朝大臣如此

規矩安得不亡

行人司任國璽請設厰衛

十六日儀制司 朱冲卒

江西宗室

以使緬功楊生芳文選司郎中加丁調禹五級

敕緬隘官截止追駕官軍

馬吉翔與緬隘官敕一道內云朕已航閩後有一切
官兵都與截殺

六月安德候狄三品執馮獲禮獻于清授杼城候

三品雲南建昌總兵獲禮已封郡王

二十一日安南臣武公安降于清

武公安官宗國公遣人至雲南獻降表

二十二日延平王舟師克鎮江圍南京旋退入海總兵
甘輝等死之

高承恩為其弟承裔所殺

部將爭立自相攻擊

清陷馬瑚叙州 伯提督總兵陳希賢等降

鄭中郝永思等固守

秋七月清陷成都總兵趙友鄔等降御史龐之洙主事
賀奇俱繳印降

清遣川南道高毓茗招降原任四川巡撫萬任

八月滇國公沐天波使緬甸入其域

緬俗以八月十五日各蠻來貢欲張大聲勢天波至彼令跣足以緬臣禮見天波不得已從之歸而泣告于衆曰我故屈者為保全 皇上計耳禮部揚在行人任國璽各疏劾天波屈節于緬夷疏留中上不豫

以患足故

九月緬人進稻穀

緬進稻穀給各窘迫者吉翔據為己物私其所愛者

僕當作仆

鄧凱不平于朝內大罵之時有吳承爵者乃吉翔之旗鼓粹僕凱于地損一足

光澤王儼鈇大學士郭之奇搃兵楊祥被獲不屈死之時雲南既陷之奇等避入交趾交夷懼縛送廣西被害之奇絕命詩云十載艱虞為主恩居夷避世兩堪論一聲平地氛塵滿幾疊幽山霧雨翻曉澗哀泉添熱血莫烟衰草送歸魂到頭苦節今方盡莫向西風洒淚痕成仁取義憶前賢異代同心着幾鞭血比蓂弘新化碧魂歸望帝久為鷓鴣曾無尺寸酬高厚唯有孤丹炤簡編萬卷詩書隨一炬千秋霜管俟他年祥

蜀人不識字以忠義自許臨難神色不變望西叩首
謝恩危坐就刑觀者無不流涕

命造曆日

從鄧凱請也

冬十月郝承裔以嘉定邛眉等州叛降于吳三桂

未幾承裔反正至辛丑年被獲死

蜀鎮寧候王友進遣官降于吳三桂

安南都統使莫敬耀入貢于清

是冬嘉定州陷被

十四年庚春正月

駕在孟坑城外

德陽王至濬降于清

至濬初奔交趾與太監王應遴同匿高平境內自安

南莫敬耀後勢益孤危故至濬亦降

三月初一日穎國公楊武叛降于吳三桂

三桂令楊武招降貴州布政司朱企昞

岷藩宗室武靖候

王國璽兵部侍郎尹三聘編修劉蘆尚寶寺楊禎幹

知府范春鰲等六人六人遂繳印降赴北

大學士方端士降于清

禮部司務王應偉卒

秋七月緬人邀滇國公沐天波再入其城不克

後字上當有脫字

緬使曰此番可冠帶而去天波終不允

八月郝承裔以雅州內附

九月晉王李定國出孟良與白文選入緬闕次子桐泊
疏請迎駕不果

定國迎駕疏內言前後三十餘章不知曾到今與緬
王相約何地交連而諸臣在內只尚安樂全不關節
出險緬官求救一道去了外候久無消息乃投營而
去

以湖廣道御史鄔昌琦改陞河道掌六科
從馬吉翔所薦也

授烏撒知府王祖望禮部主客司

祖望晉王藩前人能醫中宮有疾用其藥而愈

太常寺博士鄧居詒疏陳時事

居詒疏為停止不急之務仰祈修省等事內侵吉翔
及各員自謀自衛等語蓋措行人任國璽欲轉江西
道而言也吉翔怒奉 旨該衙門知道旨方下而國
璽回道及各陞轉 旨旋下矣居詒不平即劾國璽
國璽亦劾居詒一日 上台面質不果惟吉翔國泰
傳旨云鄧某當學好免杖

碎國寶以給各員

措當作指

當學好 疑作當好學

吉翔奏外有大臣三日不舉火者 上不信次日吉翔國泰復合奏 上怒擲皇帝之寶命掌庫太監李國用碎之國用叩頭辭不敢又次日吉翔國泰碎之以散給各員 上怒曰你們要收門生時把朕作人情耳

十五年辛丑春正月 駕在孟坑城外

二月吳三桂破馬乃麻衣

龐吉兆吉佐等俱被獲

咸陽候初三昇降于吳三桂

三昇與定國不和獨走戶臘三桂遣官招之遂率眾

七十餘人涉遠而降孟津伯魏勇總兵劉芝林王有功邵文魁等俱降勇旋病歿

翠昌王白文選賚奏迎駕

二十八日白文選遣緬民賚奏至云不敢速進者恐為所害必令彼送出為上策璽書荅曰不五六日離本處止有六七十里已搭浮橋來矣數日後緬兵斷浮橋而去吉翔國泰挾駕自重不思出險或欲暗相糾結擁東宮因殺吉翔國泰奪路而出即為吉翔國泰所覺密奏其結盟投緬旨命錦衣衛搜獲為首者殺之

夏四月郝承裔被獲死

御前摠兵馬寶降于吳三桂

五月朔大學士馬吉翔司禮監李國泰入宮講書賜之坐

江西道御史任國璽奏為時事三不可解謂上年本請開講期年不行勢如累卵不思出險尚然如此講書必須科道侍班議軍務則有沐勳臣王皇親等豈翔泰之獨君也言詞切直次日旨下着任國璽獻出險策國璽奏能主入緬者必能主乎出緬今日事至此乃却肩于建言之人乎時王祖望鄧居詔各疏劾

翔泰有內官曰爾上千本萬本亦何用其擅權若此禮部揚在講書賜之坐典璽李崇貴以為非禮次日亦賜崇貴坐崇貴辭曰今雖亂世禮不可廢每講崇貴出外一日東宮問揚在曰哀公何名在不能對

初五日瑞昌王薨于緬甸州

二十二日緬酋莽猛白弒其兄

先是御前摠兵馬寶降于吳三桂即使為間至緬王備言吳三桂所以遣之故且曰苟能送帝出則富

貴可立至也緬酋是于令寶至孟坑居上左右

上以寶為舊臣弗之疑也緬酋既受三桂命遂決計

出獻其親况知之謂曰不可因人之危而為之利不義且彼共主也天之所立中土之所戴我不能助而反為之害是逆天也逆天不祥不如且全之任彼後國緬酋即縛其况執之

六月十八日緬酋偽請盟馬吉翔李國泰等從之

緬使來云我王初立怕你們立心不好請去吃咒水等你衆人走動好去作生意不然日用亦難云云

十九日緬酋殺我文武官僚三十餘人

吉翔國泰聽信緬酋之謀不論大小官員俱携去與緬酋盟已刻緬酋以兵三千圍所扎處乃曰爾等大

漢可出來吃咒水一箇不出來即亂鎗殺死諸臣良久乃出俱被執而死松滋王已下馬吉翔馬雄飛蒲纓鄧士廉鄧居詔楊在鄔昌琦任國璽王祖望裴廷謨楊士芳學錄藩璜郭璘典簿齊應選總兵王自

全安朝位陳謙龔勳吳承爵張宗位錦衣衛大堂任子信張拱極劉相宋宗宰劉廣銀宋國柱丁調禹司禮監李國泰秉筆李茂芳楊宗華李崇貴又周某盧某曹某沈某俱失名

駕幸黔國公沐天波署經僧進食

黔國公沐天波靖東將軍魏豹提兵王啟隆等俱遇害

藩當作潘

位當作柱

銀當作益

上與中宮將自縊鄧凱勸之曰 太后年老將誰為
依 上乃止緬兵入言搜取財幣貴人宮女及各官
妻孥自縊者甚眾 上與太后等二十五人俱聚于
一小房經險二時忽通事引守護緬官至乃喝曰不
可害皇上與沐國公彼時尸橫遍地緬官請 上移
出沐國公房內大小三百四十餘人恰住一樓母子
啼哭聲聞里外閱三日幸有緬僧私進飯食且悲哀
不已乃知早去各臣悉被殺時有沐天波王昇魏豹
王啟隆各傷緬兵數人而死有皇親家小子名來安
年甫十三兵擒之乃曰有銀與你抵腰假作取銀乃

拔小刀刺傷一緬兵而死

吉王自縊薨

吉王同妃入宮自縊皇親標下總兵姚文相黃華宇
熊惟寶馬某秦某錦衣衛趙明鋒王大維王國相吳
承胤朱文魁鄭文遠李既白凌雲尹袞朱議添千戶
吳某百戶嚴某內官陳德遠劉揚二貴人松滋王妃
皇親任國璽姜承德妻楊氏俱于十九日自縊死
又起陸諸人先後遇害者通政司朱蘊金姜承德藩
世榮向鼎忠范存禮温如珍副總兵高陞李勝武岡
州岷王馬九功王皇親標下劉典隆戴某張某陶某

內府劉九率劉衡汪國泰段能忠謝安祚

施氏曰緬酋既弑其兄遂以次殺上左右從官盡收其妻子晉王聞報即日棄家口親率驍騎疾馳至緬迎駕緬堅閉弗與設兵守城晉王兵不得入遂下令環城數里百計攻擊三日不下城內從官殺且盡惟沐天波未死緬酋將天波至城上本板鋸解以示城外上遣人登城遙諭曰事已不可為矣從朕文武各官俱已見害城上所鋸解者即沐上公也朕亦萬無生理可致謝晉王各自為己否則城外當有變矣王及諸將士皆下馬羅拜大呼痛哭聲振天地上

已當作計

遙聞亦哭次日晉王憤恨悲號遂大勦孟坑城外雞犬不留而去自是人心無主兵多散去

秋七月緬人貢物

念一日緬人乃修原所請衆人安住貢米銅器等物念五日又進獻鋪蓋銀布等物甚厚乃曰我王子寔無他意因爾各營在外殺害地方遂恨入骨乃衆民所為也

上不豫

冬十一月初八日吳三桂兵至木邦

白文選遣副將馮國恩至木邦偵之中伏被獲國恩

遂降于三桂為嚮道

十八日 上召總兵鄧凱入宮

是日午刻召凱入宮諭曰 太后病矣而賊信又急為之奈何白文選朕欲封他為親王馬寶欲封他為郡王

吳三桂兵至錫波白文選奔茶山

二十日三桂發兵追文選于茶山

二十一日吳三桂入緬甸境

初三桂在騰越宋腮兩遣人通緬酋使送駕出降否則加兵緬酋益決計謀逆

具當作貝

扎疑作屯

十二月 朔吳三桂兵駐舊晚坡

舊晚坡在緬城東是日緬相錫真持其葉緬文降于三桂其文有願送駕出城但祈來兵退扎錫波又慮三桂之襲其城也

初三日緬酋內叛挾 上及 皇太后皇后皇太子公主如舊晚坡緬酋殺華亭侯王維恭

是日未刻二三緬官來見曰此地不便請移別所爾門兵將近我城我處發兵必由此過恐為驚動言未畢數十蠻子將上連杭子檯去 太后等悲聲震天行至二百步乃有轎三乘至 太后等上轎大小男

門當作國

女毫未收帶步行約五里渡河到岸暗黑不說何兵
二更到營始知為吳三桂矣初四日歸老營初五日
曉鄧凱匍匐上帳前曰今日事至此皇上當行
一烈使老臣得其死所上曰固然有太后在洪某
吳某世受我家恩未必毒及我母子初六日拔老
營復轉啞哇欲攻緬城未遂初九日長發還滇一路
大小俱與馬匹進御膳用金碗不用銀碗上與東
宮俱進鮮服鋪蓋內官宮女各官妻妾均與衣被
吳三桂以車駕還南

施氏曰吳三桂兵亦出境將入緬路遇鞏昌王白文

選是時文選兵尚強因山路窮僻斥堠不通猝遇無
計不敢戰遂降自是三桂無所忌憚矣緬恐遂令馬
寶誘上曰晉王兵去此未遠臣欲從間道奉駕奔
其軍上從之緬使人從上所至則吳軍矣
十六年^{壬寅}春正月十三日駕還滇都
三桂日進膳服等物俱倍前

夏四月太皇太后王氏不食崩

三桂令人奉^上居滇故都督府第嚴兵防守八旗
兵皆集上屢欲見三桂三桂不肯見皇太后不
食日遂崩

原任戶部尚書龔彛死之

彛永州人天啟乙丑進士也其酒敵進謁上所守者不許彛厲聲曰此吾君也我為其臣君臣之義南北皆然我祇一見耳何拒我為守者往啟三桂三桂許之彛遂入堂上設宴請上出朝禮畢進酒上稱謝痛哭不能飲彛伏地痛哭亦不能起再勸上飲上飲勉三爵彛再拜不止遂觸地而死上撫之慟幾僕

上崩 皇太子遇害

施氏曰從官扶上進八旗諸將士皆望而呼萬歲

飲勉二字倒

僕當作仆

曰此真主也我等雖有主今知其安在不如奉此以成不世之功事將成滿漢諸大臣皆割辮而起為下所洩三桂知之大驚即令輦上及皇太子出以弓弦絞于市時太子年十二臨難大罵曰黠賊我朝何負于汝我父子何仇于汝乃至此耶是日天大昏黑風霾竝作人影不見上既遇害三桂使人炙尸揚灰傳賜諸將前所謀奉上八旗諸將士共二千餘人皆殺之令沒其妻子

襍錄曰吳三桂據將有商于吳者問以舊晚坡之事據云十二月初二日三桂至舊晚坡搬緬送駕緬亦

遣人相聞薄暮詢人送人首十七至三桂營：中訛言駕崩及二鼓雜言駕至矣隨衆出迎見二艘渡江來一為上及太后中宮東宮公主一為遇害諸臣家屬有緬相及蠻兵二百餘人俱至三桂送上及宮眷于公所上南面坐達旦三桂標下各官相繼入見或拜或叩首而退少傾三桂進見初甚倨傲見上長揖上問為誰三桂噤不敢對再問之遂伏地不能起及問之數至始稱名應詔上切責良久三桂緘口伏地若死人上卒曰今亦已矣朕本北京人欲還見十二陵而死尔能任之乎對曰

臣能任之上令之去三桂伏不能起左右挾之出則色如死灰汗浹背自後不復敢見

吳三桂以總兵鄧凱隸滿州鑲黃旗不受為僧去

秋七月吳三桂遣藩下蝦護送皇后公主至北京奉

旨命禮部養贍于別室仍撥宮女二人奉侍

是月二十九日晉王李定國薨于景線

定國薨後以世子嗣典託靳統武統武奉嗣典為晉王有馬斯良者定國之表弟心忌統武遂勸嗣典降于三桂

附記壬寅隨駕回滇諸人

吳師相炳一子一女同妾子名宏猷南京人 鄔昌
琦一子三歲魏六一子宗華南京人 姜承德三子
北京人 丁調尚二子 趙明鑑一子一僕 黎應
祥千戶廣東人 王祖棠小子新兒 鄧居詔家丁
鄧玉 前府都督康晉生一子 搃兵鄧凱
東昌李君調云緬酋送駕舊晚坡在庚二十二月而
龍馭賓天 皇太子遇害則辛丑三月十八日也君
調時在三桂營中日擊者此云壬寅未知何據

行在陽秋終